

Headline	4.8 juta pengguna tak terjejas		
MediaTitle	Berita Harian		
Date	03 Dec 2013	Color	Full Color
Section	Nasional	Circulation	138,805
Page No	12	Readership	1,048,000
Language	Malay	ArticleSize	570 cm ²
Journalist	Faiza Zainudin	AdValue	RM 19,224
Frequency	Daily	PR Value	RM 57,672



PELARASAN TARIF ELEKTRIK

4.8 juta pengguna tak terjejas

» Kenaikan tarif elektrik tidak beban majoriti pelanggan domestik

Oleh Faiza Zainudin, Mohd Azrone Sarabatin dan Mohd Nasaruddin Parzi
Kuala Lumpur

Pelarasan tarif elektrik yang berkuat kuasa 1 Januari tahun depan masih melindungi kebajikan pengguna, terutama golongan berpendapatan rendah yang menggunakan 300 kilowatt sejam ke bawah.

Berikutan itu, sebanyak 70.67 peratus atau 4.56 juta pengguna daripada keseluruhan 6.45 juta pengguna domestik di Semenanjung tidak mengalami sebarang kenaikan, manakala 62 peratus atau 260,000 daripada 418,000 pengguna domestik di Sabah dan Labuan tidak terbabit.

Selain itu, menurut Menteri Tenaga, Teknologi Hijau dan Air, Datuk Seri Dr Maximus Ongkili, kerajaan akan terus membantu memberikan rebat kepada pengguna yang bil elektrik berjumlah RM20 ke bawah sehingga 31 Disember 2014.

Kurangkan subsidi RM4b
“Semakan semula tarif baru ini juga membolehkan kerajaan mengurangkan subsidi sebanyak RM4 bilion setahun mulai tahun depan berban-

ding RM14 bilion setahun bagi pengguna domestik di Semenanjung dan RM570 juta di Sabah dan Labuan. Penjimatan ini dapat disalurkan untuk kemudahan awam lain bagi manfaat rakyat,” katanya ketika mengumumkan pelaraan kadar baru itu semalam.

Beliau juga berkata pelarasan dilaksanakan berdasarkan empat faktor, iaitu kesan penyelarasan harga gas domestik sebanyak 51 sen/kWj, penetapan harga gas asli cecair yang diimport (3.41 sen/kWj), penyelarasan harga arang batu (17 sen/kWj) serta semakan tarif asas Tenaga Nasional Berhad (TNB) sebanyak 90 sen/kWj.

Berikutan itu, tarif di Semenanjung meningkat sebanyak 4.99 sen atau 14.89 peratus, manakala di Sabah dan Wilayah Persekutuan Labuan sebanyak lima sen atau 16.9 peratus.

Ongkili berkata kenaikan kadar purata semasa sebanyak 33.54 sen sekilowatt sejam (kWj) kepada 38.53 sen/kWj di Semenanjung dan 29.52 sen/kWj kepada 34.52 sen/kWj di Sabah dan Labuan itu pertama kali dilaksana sejak 1997.

Turut mengalami kenaikan adalah kadar kutipan kepada Kumpulan Wang Tenaga Boleh Baharu daripada satu peratus kepada 1.6 peratus membabitkan pengguna domestik kecuali mereka yang menggunakan elektrik 300 kWj dan ke bawah.

Katanya, penstrukturran tarif di Sabah dan Labuan pula diperlukan bagi mengimbangi jurang yang meningkat antara kos pembekalan elektrik dengan kadar tarif sedia ada supaya Sabah Electricity Sdn Bhd (SESB) dapat terus membekalkan elektrik berdaya maju di dua tempat berkecuaan.

“Bagi mengukuhkan kedudukan kewangan negara dan ke arah penetapan harga gas berdasarkan mekanisme harga pasaran, usaha rasionalisasi subsidi adalah langkah yang perlu diteruskan kerajaan.

“Di samping itu, kerajaan perlu memastikan syarikat utiliti mampu menampung peningkatan kos pembekalan elektrik dan mempertingkat pelaburan untuk menyedia infrastruktur dan operasi pembekalan elektrik yang lebih baik,” katanya.

“Kerajaan akan terus membantu memberikan rebat kepada pengguna yang bil elektrik berjumlah RM20 ke bawah sehingga 31 Disember 2014”

Dr Maximus Ongkili,
Menteri Tenaga, Teknologi Hijau dan Air

Headline	4.8 juta pengguna tak terjejas			
MediaTitle	Berita Harian			
Date	03 Dec 2013	Color	Full Color	
Section	Nasional	Circulation	138,805	
Page No	12	Readership	1,048,000	
Language	Malay	ArticleSize	570 cm ²	
Journalist	Faiza Zainudin	AdValue	RM 19,224	
Frequency	Daily	PR Value	RM 57,672	



Maximus pada **sidang media khas** di Parlimen, semalam.

[FOTO EFFENDY RASHID/BH]

INFO

Bil elektrik bulanan isi rumah berpendapatan sederhana

Terabit dengan kenaikan RM 86.15

Perkakasan	Bilangan (unit)	Watt	Penggunaan Sebulan (jam)	Jumlah penggunaan Sebulan (kWj) (lama)	
				Jumlah penggunaan Sebulan (kWj) (baru)	Pertambahan RM 86.15
1 Lampu	13	40	40	78	78
2 Kipas angin	4	50	50	48	48
3 Pendingin hawa (1.0 kuasa kuda)	1	835	835	60	60
4 Ketuhar gelombang mikro	1	1000	1000	15	15
5 Peti sejuk	1	80	80	165.6	165.6
6 Mesin basuh	1	500	500	11.7	11.7
7 Televisyen	1	100	100	15.2	15.2
8 Radio/Hifi	1	25	25	2.64	2.64
9 Periuk nasi elektrik	1	600	600	1.8	1.8
10 Komputer	1	150	150	1.6	1.6
11 Pemain DVD/VCD	1	50	50	0.6	0.6
12 Seterika	1	1000	1000	5.5	5.5
13 Pemanas air	1	3600	3600	28.8	28.8
JUMLAH (kWj)				47.1	47.1
Bil bulanan (RM)				31.91	31.91

INFO

Bil elektrik bulanan isi rumah berpendapatan rendah

Tiada kenaikan tarif untuk kegunaan bulanan di bawah 300 kWj atau RM 77.00

Tiada pertambahan

Perkakasan	Bilangan (unit)	Watt	Penggunaan Sebulan (jam)	Jumlah penggunaan Sebulan (kWj) (lama)	
				Jumlah penggunaan Sebulan (kWj) (baru)	Pertambahan
1 Lampu	3	40	90	10.8	10.8
2 Kipas angin	1	50	90	4.5	4.5
3 Pendingin hawa (1.0 kuasa kuda)	0	835	0	0	0
4 Ketuhar gelombang mikro	0	1000	0	0	0
5 Peti sejuk	0	80	0	0	0
6 Mesin basuh	0	500	0	0	0
7 Televisyen	1	100	90	9	9
8 Radio/Hifi	1	25	90	2.25	2.25
9 Periuk nasi elektrik	1	600	15	9	9
10 Komputer	0	150	0	0	0
11 Pemain DVD/VCD	0	50	0	0	0
12 Seterika	1	1000	8	8	8
13 Pemanas air	0	3600	0	0	0
JUMLAH (kWj)				43.6	43.6
Bil bulanan (RM)				9.49	9.49

Headline	4.8 juta pengguna tak terjejas		
MediaTitle	Berita Harian		
Date	03 Dec 2013	Color	Full Color
Section	Nasional	Circulation	138,805
Page No	12	Readership	1,048,000
Language	Malay	ArticleSize	570 cm ²
Journalist	Faiza Zainudin	AdValue	RM 19,224
Frequency	Daily	PR Value	RM 57,672

